

Ingeniero Donny Rasmijn:

AVP lo subi edad di pensioen di Parlamentario y Minister pa 60 aña

ORANJESTAD (AAN): Donny Rasmijn candidato No. 15 riba e lista berde ta puntra su mes lo siguiente: "Pakico un minister of parlamentario mester baha cu pension cu 45 of 50 aña respectivamente mientras cu e pueblo trahador ta haya nan AOV uitkering cu 60 aña? Mihor dicho, Dios a traha tur hende igual, kico nan tin mas cu otro hende?" Ora un parlamentario of minister tin calidad di profesionalismo, e no tin problema pa haya trabao pa asina warda sesenta aña yega pa haya pension.

"Ora bo tin un bon nivel y bo a demostra cu bo tin algo aden, bo no mester tin problema pa haya un trabao razonable despues di un periodo gubernamental. Al contrario, si bo a demostra di ta un parlamento of minister di nivel, bo posibilidad pa haya un trabao cu mihor pago ta grandi", Rasmijn a expresa.

Ta comprensible cu tin hende cu ta biba lekker den Parlamento mientras nan no ta haciendo nada pa e pueblo. No por spera mas tampoco pasobra nan no por pa falta di calidad y enseñansa. Henter e temporada di gobernacion nan ta worde usa door di un gobierno pasobra sino nan ta mester bay back na bida normal unda cu mester traha pa gana pan manera tur hende. Donny ta relata, "E plan aki ta otro parti mas di nos plan@ruba y partido MEP ta

hopi contra pasobra nan no ta dispuesto pa entrega algo na pueblo. Tur e abusonnan cu ta pasando ta pa causa di MEP su parlamentarionan cu a sinta 4 aña manera marioneta y sin por expresa nan mesun opinion. Ta berdad cu e pension di parlamentario y minister ta un pension di trabao pero al fin ta ken ta paga esey? No ta e pueblo mes cu mester warda te cu 60 aña pa haya nan placa di SVB ta paga? Pa colmo e placa no ta yega pa paga nan actualmente.

Gobierno mester fia placa pa cubri e deficit cu e pension di e ex-parlamentario y e ex-minister ta causa. Dus pueblo ta paga atrobe pa cubri e gastonan". Un parlamentario cu a sinta 4 aña a acumula 21 mil Florin na su eigen pension. Un persona humilde cu a traha cuarenta aña largo, a contribui 50 mil Florin. Pero e ta haya solamente 800 Flo-



rin mientras e parlamentario ta haya 2,500 Florin na un edad di 50 aña. Pa colmo Booshi Wever cu su grupo di abusador kier subi e edad di AOV pa 65 aña enbez di hisa nan werkpension cu e pueblo ta paga pe pa 60 aña. Ademas nan kier bay cobra un pensionado cu a traha y spaar duro pa e por tin un bon pensioen 4% di su entrada na AOV atrobe. "Partido AVP lo mantene edad di pensioen na 60 aña", Donny ta expresa.

Gobernacion di nos pais ta den un decadencia total, segun candidato di AVP, caminda hopi hende no kier muestra nan disgusto pa MEP publicamente pasobra nan bida ta worde malogra, pero nos pais lo por wanta 4 aña mas di abuso?, e ta puntra. "E abusadornan di MEP por hunga Hitler riba nos hendenan, pero ora nos bay vota, ta un hende so tin tras di e cortina, ningun burdugo por ta na banda".

"Pueblo uni bo mes na e partido cu si ta dispuesto pa haci locual cu e pueblo merece. E partido cu tin integrantenan para riba nan pia y cu tin hopi pa duna nos pais. Bo bienestar ta mas importante cu esun di familianan di MEP, dia 23 di september venidero, vota pa un partido cu pueblo na pecho, vota partido di pueblo AVP!", Donny Rasmijn a finaliza.

Solucion pa e transporte pa e muchanan especial

ORANJESTAD (AAN):—Director di Fundacion pa Personanan cu un Deficiencia Intelectual Aruba (SVGA) ta anuncia cu dialuna awor 22 di Augustus 2005 Arubus lo pasa busca e clientenan di Pasadia Bibito

Pin, Pasadia Briyo di Solo y Centro Man Na Obra. Ta pidi tur mayor/voogd pa nan cooperacion pa e yiu ta para cla pa ora e bus yega pa asina nan por subi e busca di inmediato.



BEST DEAL
PARADERA

BEST SHOPPING DEAL

Turibana Plaza

LAS AMERICAS

Pariba di Burger King
(Caya Grandi)



**Agenda
SPECIAL**